

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelungen Liet

Müller, Christoph Heinrich

Berlin, 1782

Aventuure wie die Nibelunge zu Ezeln Burge chomen und wie si da
enpfangen wurden

[urn:nbn:de:bsz:31-161443](https://nbn-resolving.org/urn:nbn:de:bsz:31-161443)

80 AVENTUIRE WIE DER MARCHGRAVE DIE KUNIGE MIT IR &c.

- 6582 Do sprach zen burgonden der ritter unverzagt.
Rudeger der edele ia saln niht sin verdaget.
Ezeln disiu maere daz wir zen hunen chomen.
- 85 Und ouch miner frowen sine hant so liebes niht
vernomen.
Ze tal durch oestiriche vil manic bote reit.
Den luten slenthalben wart das wol geseit.
Das die herren choemen von wormez uber rin.
Dem ezeln ingefinde chunde niht lieber gesin.
- 90 Die boten fur strichen mit diesen maeren.
Das die nibelunge zen hunen waeren.
Du solt si wol enpfahen chrimhild frowe min.
Dir choment nach grozen eren her die stolzen
brueder din.
Do diu kuniginne vernam diu maere.
- 6595 Ir begunde entwichen ein teil ir swaere.
Von ir vaterlande chom ir vil manic man.
Da von der kunie ezele vil manigen iamer sit
gewan.
Si gedahre tougenliche noch mohte is werden rat.
Der mich an minen freuden also gepfendet hat.
- 6600 Mag ich das gefugen ez sol im leide ergan.
Ze dirre hochgecite des ich vil guten willen
han.
Ich solz also schaffen das min rache erge.
In dirre hochgecite swiez dar nach geste.
An sinem argen libe der mir hat benomen.
- 5 Vil der minen wunne des sol ich nu ze gelte
chomen.

AVENTIURE WIE DIE NIBELUNGE ZE EZELN
BURGE CHOMEN UND WIE SI DA ENPFANGEN
WURDEN.

- 6606 **D**o die niblung chomen in das lant.
Do vrieschez von berne meister hildebrant.
Er sagtez sine herren ez was im grimme leit.
Er bat in wol enpfahen die chunen riter gemeit.
- 10 Do hiez der starche wolhart bringen in diu march.
Do reit mit Dietriche vil manic reche starch.
Da si se enpfangen wolden zuo zin an das velt.
Da hettens uf gebunden vil manic herlich gezelt.
Do si von tronege hagene verrest chomen sach.
- 15 Zu den sinen herren der helt vil balde sprach.
Nu sult ir snellen degene von dem fedele stan.
Und get in hin begegene die iuch hie vellent enpfahn.
Dort chumt her ein gefinde daz ist mir wol bechant.
Es sint vil snelle degene von amelunge lant.
- 20 Die faret der von berne si sint vil hochgemuot.
Ir sultz in wol er bieten das rat ich sprach der de-
gen guot.
Do stunden von den rossen das was vil michel recht.
Nider mit dietriche manic riter und knecht.
Si giengen zu den gesten da man die heled vant.
- 6625 Si gruzten minnekliche die von buregonden lant.
Do si der herre dietrich zuo zin chomen sach.
Beide liebe und leide im dar an geschach.
Er wesse wol die maere ir reise was im leit.
Er wande ez wesse rudeger das erz het in geseit.
- 30 Sit willechome her gunther gernot und gifelher.
Hagen und danchwart sam si ouch volker.
Und alles uiwer gedigene den sivrides tot.
Weinet min frou chriemhilde noch diehe in an-
gestlicher not.
Si mac vil geweinen sprach do hagene.
- 35 Er lit vor manigem iare ze tode erslagene.
Den kunec von den hunen den si genomen hat.
Den sol si nu minen sivrit so gahes niht erstat.
Tot des chunen rechen lazen wir nu sten.
Sol leben min fruo chriemhilde noch mac schade
ergen.
- 40 So redete von berne der herre dieterich.
Troft der uibelunge da vor behuet du dich.
- 6641 Wie

- 6642 Wie sol ich mich behuten sprach der kunec her.
Ezel uns boten fände wes sol ich vragē mer.
Das wir zuozim chomen her in finiu lant.
- 45 Ouch hat uns unfer swester aller truiwen gemant.
So wil ich iu wol raten sprach do hagene.
Nu bitet iu diu maere baz ze sagine.
Den herren dietrichen und sine helde guot.
Daz si nich lazen wizen der frowen chriemhilde
muot.
- 50 Do giengen sunder sprachen die dri kunege rich.
Gunther unde gernet und ouch her dietrich.
Nu sage uns von berne vil edel ritter guot.
Wie dir sigewizzen der frowen chriemhilden muot.
Do sprach der von berne was sol ich iu mere sagen.
- 55 Wan alle morgen frueie weinen und klagen.
Hoere ich vil iaemerliche daz ezeln wip.
Dem richen got von himele des starken sifrides lip.
Ez ist et unerwendet sprach do der spileman.
Volker der vil chuene daz wir vernomen han.
- 60 Wir suln ze hove riten und suln daz befehn.
Waz uns sinellen degenen muoge zen hunen ge-
sehn.
Die chune burgonden hin ze hove riten.
Si chomen herrenliche nach ir landes siten.
Do wundert do zen hunen vil manigen chunen man.
- 65 Umbe hagenen von tronege wie der waere getan.
Der helt was wol gewahlen daz ist alwar.
Groz was er zen brusten gemischet was sin har.
Mit einer grifen vorwe diu bein im warn lanc.
Und eyslich sin gefihene er het herrlichen ganc.
- 70 Do hiez man herbergen vil manigen chunen man.
Daz gefinde von dem rine wart gefundert dan.
Daz riet du kuniginne du in argen willen truoch.
Da von man sit die knechte an der herberche fluoch.
Danchwart hagenen bruder der was marschalch.
- 75 Der kunec im sin gefinde vil vlezeklich bevalch.
Daz er ir vollechlische mit spise solde pflegen.
Daz tet do willechlische mit trawen der vil chune
degen.
Chriemhild du kuniginne mit ir gefinde gie.
Da si die nibelunge in valschem muote enpfie.
- 80 Si chuffte Giseler und nam in bi der hant.
Do das gesach hagene den helm er vaster gebant.
Nach sus getanem gruoze sprach do hagene.
- 6683 Mogen sich bedenchen wol sinelle degene.
Man gruzet sunderlingen die fursten und ir man.
- 85 Wir han niht guoter reise zu dirre hochgezite getan.
Nu sit sprach si willechomen swer uch gerne siht.
Durch uwer selbes friuntshaft engruz ich uch niht.
Nu sagt was ir mir bringet von wormez uber rin.
Dar umbe ir mir so groze foldet willechomen sin.
- 90 Het ich gewuft du maere sprach do hagene.
Daz u gabe bringen solden degene.
Ich ware wol so riche het ich mihs baz verdaht.
Daz ich u mine gabe her zen hunen hete braht.
Nu solt ir mich der maere mere wizen lan.
- 95 Hort der nibelunge wa habt ir den getan.
Der was idoch min eigen daz ist u wol bechant.
Den solt ir mir gefueret han her in ezelen lant.
Entruwen min frou chriemhilde des ist vil manic tac.
Deich hort der niblunge niene gepflach.
- 6700 Den hiezen mine herren senchen in den rin.
Da muoz er waerliche unz an daz iungeste sin.
Do sprach du kuniginne ich hans ouch e gedaht.
Mir ist sin harte chleine noch her ze lande braht.
Swier min eigen waere und ich sin wilen pfac.
- 5 Nach im und sine herren han ich vil manigen
leiden tac.
Daz ist verlorn arebeit sprach aber hagene.
Wie mohte ich iu iht bringen ich han vil ze tragene.
An halsperge und an schite an mine helme licht.
Dis swert an miner hende des enbringe ich u niht.
- 10 Jane rede ihs niht dar umbe deich mere goldes
welle gern.
Ich hans so vil ze gebene deich uwer gabe mac
enbern.
Ein mort und zwene roube die mir sint genomen.
Des mohte ich vil arme noch ze liebem gelte chomen.
Du frowe hiez do chunden den rechen uber al.
- 15 Daz niemen tragen solde dehein wafen in den sal.
Ir helde ir sult mirs uf geben ich sol si behalten lan.
Entruven sprach do hagene daz wirdet nimmer
getan.
Dane ger ich niht der eren fursten wine milt.
Daz ir zen herbergen truget minen schilt.
- 20 Und ander min gewaesen ir sit ein kunigin.
Daz enlerte mich vater niht ich wil selbe kame-
raere sin.

82 AVENTUIRE WIE DIE NIBLUNGE ZE EZELN BURGE CHOMEN &c.

- 6722 Owe mir der leide sprach do chriemhilt.
 War umbe wil min bruder und hagen sinen schilt.
 Von in niht tragen lazen si sint gewarnot.
 25 Und wesse ich wer iz tate ich riet im immer
 finen tot.
 Des antwuort in zorne, der herre dieterich.
 Ich binz der hat gewarnet die edeln fursten rich.
 Und hagenen den starchen den buregonden man.
 Nu zuo valaendinne du solt mihs niht geniezen lan.
 30 Des schamte sich vil fere des ezelen wip.
 Si vorhte bitterliche den dietrichs lip.
 Do gie si von in dannen daz si niht mere entsprach.
 Wan das si swinde bliche an ir viande sach.
 Bi henden sich do viengen zwene degene.
 35 Daz eine was her dietrich daz ander hagene.
 Do sprach gezogenliche der reche vil gemeit.
 Daz úwer chomen zen hunen daz ist mir groze-
 lichen leit.
 Do stunden bi ein ander die rechen lobelich.
 Hagene von Tronege und ouch her dietrich.
 40 In grozen zuhten manigen die ritter wol getan.
 Daz sach der kuncz ezele darumbe er vragen do
 began.
 Dú maere ich wiste gerne sprach der kunic rich.
 Wer iener reche waere den dort der dieterich.
 So frúntlich enpfachet er treit vil hohen muot.
 6745 Swer sin vater waere er mac wol sin ein helt guot.
 Des antwurtem kunige ein chriemhilden man.
 Er ist geborn von tronege sin vater hiez adrian.
 Swie blied er hie gebarte er ist ein grimmer man.
 Ich laze iuch daz wol schowen daz ich gelogen
 niene han.
 50 Wie sol ich daz erchennen daz er so grimmech ist.
 Noch dan er niht enwiste vil manigen argen list.
 Den dú kuniginne an ir friunden begie.
 Daz si ir mit dem lebene niht einen dannen cho-
 men lie.
 Wol erchande ich adrianen der was min man.
 55 Lob und michel ere er hie bi mir gewan.
 Ich machet in ze ritter und gab im min golt.
 Helche dú getrúwe was im innekliche holt.
 Da von ich wol erchenne allez hagenen sint.
 Ez wurden mine gifel zwei waetlichú kint.
 60 Er und von spane walther die wuohfen hie
 ze man.
 Hagene fande ich widere walther mit hiltgunde
 entran.
 Er gedachte langer maere diu warn égeschehn.
 Sinen frúnt von tronege den het er recht erfehn.
 Der im in finer iugende vil starchen dienest bot.
 65 Sit frumt er im in alter vil manigen frúnt tot.

AVENTUIRE WIE HAGENE UND VOLKER VOR
 CHRIEMHILDEN SAL SASSEN.

- 6766 **D**o schieden sich die zwene rechen lobelich.
 Hagen von tronege und ouch her Dieterich.
 Do blicht uber ahfel der gunthers man.
 Nach einem her gefellen den er vil schiere do
 gewan.
 70 Er sach den videlaere bi gifelhere sten.
 Volkern den vil chuenen den bat er mit im gen.
 Wand er vil wol erchande den sinen grimmen muot.
 Er was an allen tugenden ein ritter chuen und guot.
 Noch liezen si die herren ufem hove sten.
 6775 Nuwan si einen zwene di sach man dannen gen.
 Uber den hof vil verre fur ein palas wit.
 Die uzerwelten beide vorten niemannes nit.
 Si gefazen vor dem huse gegen eime sal.
 Der was chriemhilden uf eine banch ze tal.
 80 Do luohlte in vor ir libe ir herlich gewant.
 Genuoge die si sahen si heten gerne bechant.
 Allam tyer diu wilden wurden gekapfet an.
 Die ubermueten helde von manigem hunen man.
 Do ersach si durch ein venster daz ezelen wip.
 6785 Des